

اتوار 12 مئی، 2019ء

مضمون۔ آدم تے پاپی انسان

سنہری مستن: زبور 34: 22 آیت

”رب اپنے بندیاں دی جان داندیہ دیندا اے تے جیہڑے اوہدے اُتے بھروسہ کردے نیں اوہناں وچوں کوئی مجرم  
نہ ٹھہرے گا۔“

جوابی پڑھائی: زبور 103: 1 توں 5 آیتاں

زبور 19: 14 آیت

- 1- میری جان رب نون مبارک آکھ تے جو کجھ میرے اندر اے اوہدے قدوس نون مبارک آکھے۔
- 2- اے میری جان رب نون مبارک آکھتے اوہدی کسے نعمت نون بھلانا۔
- 3- اوہ تیری ساری بدکاری نون بخش دیندا اے۔ اوہ تینوں سارے روگاں تون شفا دیندا اے۔
- 4- اوہ تیری جان نون موت تون بچاؤندا اے۔ اوہ تیرے سر اُتے شفقت تے رحمت داتا ج دھردا اے۔
- 5- اوہ تیرے ساری عمر چنگلیاں چنگلیاں شیواں نال تینوں رجھاؤندا اے۔ تون عقاب وانگر نون جوان ہنلاں  
ایں۔

14- میرے منہ دا کلام تے میرے دل دا خیال تیرے سامنے مقبول ٹھہرے۔ اے رباے میری چٹان تے  
میرا فدیہ دین والے۔

درسی وعظ

بائبل وچوں

1- یسعیاہ 52 باب 9، 10 آیتاں

9- اے یروشلیم دے ویرا نیو خوشی نال لکارو مل کے گیت گاؤ کیوں جے رب نے اپنی قوم نوں تسلی دتی اوہنے  
یروشلیم دا فدیہ دتا۔

10- رب نے پاک بازو ساریاں تو ماں دیاں اکھیاں دے سامنے ننگا کیتا تے دھرتی پوری طراں ساڈے رب  
دی ملتی ویکھے گی۔

2- پیدائش 1 باب 27 (رب)، 28 (توں): آیتاں

27- تے رب نے انسان نوں اپنی صورت اُتے پیدا کیتا۔ رب دی صورت اُتے اوہنوں پیدا کیتا۔ نرتے ناری اوہنوں پیدا کیتا۔

28- رب نے اوہناں نوں برکت دتی تے آکھیا پھلو تے ودھوتے دھرتی نوں معمور تے محکوم کرو۔

### 3- پیدائش 2 باب 6 توں 8 (توں: 16، 17، 21، 22 آیتاں)

6- بلکہ دھرتی وچوں کھراٹھدی سی تے ساری دھرتی نوں سیراب کردی سی۔

7- تے خداوند رب نے دھرتی دی مٹی نال انسان نوں بنایا تے اوہدے نتھنیاں وچ حیاتی داساہ پھوکیا تے انسان جیوندی چند ہوئیا۔

8- تے رب نے مشرق ول عدن وچ اک باغ لایا۔

16- تے خداوند رب نے آدم نوں حکم دے کے آکھیا پئی تو باغ دے ہر رُکھ دا پھل بغیر روک ٹوک توں کھا سکدایں۔

17- پر نیکی تے بدی دی پچھان دے رُکھ دا پھل کدی نہ کھائیں کیوں جے جیس دن تو اوہدے وچوں کھا داتو مریں گا۔

21- تے خداوند رب نے آدم اُتے گھری نیند گھلی تے وہ سوں گیاتے اوہنے اوہدیاں پسلیاں وچوں اک نوں کڈھ لیا تے اوہدی تھاں تے گوشت بھر دتا۔

22- تے خداوند رب اوس پسلی نال جیہڑی اوہنے آدم وچوں کڈھی سے اک عورت بنا کے آدم دے کول لیا۔

## 4- پیدائش 3 باب 1 توں 6، 9، 12، 13 آیتاں

- 1- سب سارے وحشی جانوراں وچوں جنہاں نوں خداوند رب نے بنایا سی چالاک سی تے اوہنے عورت نوں آکھیا کیہ سچ مچ رب نے آکھیا اے پئی باغ دے کسے رُکھ دا پھل تسی نہ کھانا؟
- 2- عورت نے سب نوں آکھیا پئی باغ رُکھاں دا پھل تے اسی کھانے آں۔
- 3- پر جیہڑا رُکھ باغ دے وچکائے لگا اے اوہدے پھل بارے رب نے آکھیا اے پئی اوہ تسی نہ کھانا تے نہ چھوونا نئیں تے مر جاؤ گے۔
- 4- تد سب نے آکھیا پئی تسی بالکل نئیں مرو گے۔
- 5- بلکہ رب جان دا اے پئی جیہیں دن تسی اوہ کھاؤ گے تہاڑیاں اکھیاں کھل جان گئیاں تے تسی رب وانگر نیکی تے بدی نوں جانن والے بن جاؤ گے۔
- 6- عورت نے دیکھیا پئی اوہ رُکھ کھان نوں چنگا تے اکھیاں لئی خوش نمالگدا اے تے سیان دین لئی واہ واہ اے تے اوہدے پھل وچوں لیا تے کھادا تے اپنے بندے نوں وی دتا تے اوہنے وی کھادا۔
- 9- تد خداوند رب نے آدم نوں آواز دتی تے اوہنوں آکھیا پئی توں کتھے آں؟
- 12- آدم نے آکھیا پئی جیہیں عورت نوں تُو میرے نال کیتا سی اوہنے مینوں اوس رُکھ دا پھل دتا تے میں کھادا۔
- 13- تد خداوند رب نے عورت نوں آکھیا پئی تُو ایہہ کیہ کیتا؟ عورت نے آکھیا پئی سب نے مینوں ورغلا یا تے میں کھادا۔

## 5- لوقا 4 باب 1 (توں پہلا)، آیت

1- فیر یسوع پاک روح نال بھریا ہوئیا یردن ول نوں پر تیا۔

## 6- لوقا 7 باب 36 توں 50 آیتاں

36- فیر کسے فریسی نے منت کیتی پئی میرے نال کھانا کھا۔ ایس لئی اوہ اوس فریسی دے گھر کھانا کھان نوں بیٹھیا۔

37- تے ویکھو پئی اک بد چلن بڈھی جیٹھی اوسے شہر دی سی، ایہہ جان کے پئی اوہ اوس فریسی دے گھر وچ کھانا کھان نوں بیٹھیا اے سنگ مر مر دے عطر دان وچ عطر پاک کے لیائی۔

38- تے اہودے پیراں کول روندی ہوئی پچھاں کھلوتی ہوئی اوہ دے پیرا تھر و نواں نال پین لگ پئی تے اپنے سر دے والاں نال اوہناں نوں پونجھیا تے اوہ دے پیر چٹھے تے اوہناں اُتے عطر پایا۔

39- اوہدی دعوت کرن والا فریسی ایہہ ویکھ کے اپنے دل وچ آکھن لگیا پئی جے ایہہ بندہ نبی ہندا تے ایہنوں پتا چل جانا سی پئی جیٹھی اوہنوں ہتھ لاؤندی پئی اے اوہ کون تے کدراں دی عورت اے کیوں جے اوہ بد چلن سی۔

40- یسوع نے جواب وچ اوہنوں آکھیا اے شمعون میں تینوں کجھ آکھنا ایں۔ اوہنے آکھیا اے استاد آکھ۔

41- کسے ساہوکار دے دو قرضدار سی۔ اک پنج سو دیناراں داتے دو جا پچاہ دیناراں دا۔

42۔ جدوں اوہناں دے کول دین نوں کجھ نئیں سی تے اوہنے دونواں نوں بخش دتا۔ ایس لئی اوہناں وچوں کون اوہدے نال بوہتا پیار کرے گا؟

43۔ شمعون نے جواب دے کے اوہنوں آکھیا پئی میری سمجھ دے مطابق جنہوں اوہنے بوہتا قرضہ بخشیا۔ اوہنے اوہنوں آکھیا پئی تو صحیح فیصلہ کیتا۔

44۔ تے اوس بڈھی ول پھر کے اوہنے شمعون نوں آکھیا کیہ تو ایس بڈھی نوں ویکھداں ایس؟ میں تیرے گھر آیا توں مینوں پیر توں نوں پانی نہ دتا پر ایہنے اپنے اتھر ونواں نال میرے پیر پیس دتے تے اپنے والاں نال پونجھے۔

45۔ تو مینوں بوسہ نہ دتا پر ایہنے جدوں دا میں آیاں میرے پیر چنناں نئیں چھڈے۔

46۔ تو میرے سر اُتے تیل نئیں پایا پر ایہنے میرے پیراں اُتے عطر پایا۔

47۔ ایس لئی میں تینوں آکھداں آں پئی اوہدے پاپ جیہڑے بوہتے سی معاف ہو گئے نیں کیوں جے ایہنے بوہتی محبت کیتی پر جیدے تھوڑے پاپ معاف ہوئے اوہ تھوڑی محبت کر داے۔

48۔ تے اوس عورت نوں آکھیا پئی تیرے پاپ معاف ہوئے۔

49۔ ایس گل اُتے اوہ سارے جیہڑے کھانا کھان نوں بیٹھے سی اپنے دل وچ آکھنے لگے پئی ایہہ کون اے جیہڑا پاپ معاف کر داے؟

50۔ پر اوہنے عورت نوں آکھیا تیرے ایمان نے تینوں چنگا کیتاے۔ سلامت چلی جا۔

## 7۔ 1 پطرس 1 باب 18 (تسی جان دے او) توں 21 آیتاں

18۔۔۔ تسی جان دے او پئی تہاڈا نکما چال چلن پیو دادے توں چلیا آرہیا سی او ہدے نال تہاڈی خلاصی فانی شیواں یعنی سونے چاندی دے راہیں نئیں ہوئی۔

19۔ بلکہ اک بے عیب تے بے داغ لیلے، بلکہ مسیح دے بیش قیمت لہو نال۔

20۔ اوہدا علم تے سارے جگ دے بنن توں پہلاں داسی مگر ایسدا ظہور اخیر زما نے وچ تہاڈے لئی ہوئیا۔

21۔ پئی اوہدے راہیں ایمان لیاؤندے او جنسے اوہنوں مردیاں وچوں جلایا تے جلال بخشیتاں جو تہاڈا ایمان تے امید رب اُتے ہووے۔

## 8۔ 1 کرنتھیوں 15 باب 22 آیت

22۔ تے جیویں سارے آدم وچ مردے نیں اونج ای سارے مسیح وچ زندہ کیتے جان گے۔

## سائنس تے صحت

### 1۔ 7-5:591

انسان، لاجد و دروح د امر کب خیال، رب دی روحانی صورت تے شبیہ؛ سیان داپورا نمائندہ کاراے۔

بائبل دا ایہ سبق پلین فیلڈ کرچن پرچ، آزادولوں تیار ہو یا ہے۔ ایہ کنگ جیمز بائبل دیاں آیتاں تے میسری سیکریٹری دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاے۔

## 2- 24-9:258

انسان اپنے اندر اک دماغ رکھدیاں ہوئے مادی صورت توں کتے ودھ کے اے، جنہوں لافانی رہن لئی اپنے ماحول توں بچ کے رہنا چاہیدا اے۔ انسان ابدیت دا پر چھانوواں اے، تے ایہہ پر چھانوواں رب دا اصلی خیال اے۔

ایہدی وسعت تے حدوں باہر بنیاداں توں اُچی پروازنوں ودھاؤندیاں ہوئے رب انسان وچ لا محدود خیال نوں ظاہر کردا اے۔ سیان او سب نوں ظاہر کردی اے جو کجھ سچیاں دی ابدیت وچ پایا جاندا اے۔ اسی اصلی الہی صورت تے شبیہ دے بارے لیہناں نہیں جان دے جنہاں اسی رب دے بارے جان دے آں۔

لا محدود اصول دا پر چھانوواں لا محدود خیال تے روحانی انفرادیت دے راہیں بنایا جاندا اے، پر اوہ مادہ جیہڑا نام نہاد حواس وچ اے اوہناں نوں اصل یا ایہدے خیال دا بالکل پتہ نہیں ہے۔ انسان دیاں قابلیتیاں ایس متناسب نال ودھائیاں یا کامل کیتیاں جان دیاں نیں جیدے نال انسان رب تے بارے اصلی نظریہ حاصل کردا اے۔

## 3- 14-9:502 (توں۔)



روحانی طور تے سمجھدیاں ہوئے، پیدائش دی کتاب دی غلط صورت دی اک تاریخ اے جنہوں پاپی بشر داناں دتا گیا اے۔ ٹھیک موازنہ کیتا جاوے تے ہستی دی ایہہ گمراہی رب دے مناسب پرچھانویں دی روحانی اصلیت نوں بیان کردی اے، جیویں پئی پیدائش دے پہلے باب وچ پیش کیتا گیا اے۔

4 20-11:92

کلام دے بارے پرانیاں تصویراں وچ اسی سب نوں پچھان دے رکھ دے آل دوالے لوہٹیا ہوئیآتے آدم تے حوانال گلاں کرداویکھدے آں۔ ایہہ سب نوں ساڈے ماں پیونال نیکی تے بدی دے بارے دس دیاں ہوئے پیش کردی اے، جیہڑا روح دی بجائے مادے یا بدی نال حاصل ہوون والا علم سی۔ ترسیبی اعتبار نال ایہہ تصویر پلے وی ٹھیک اے، کیوں جے فانی انسان، رب دی نقل لان والے آدم دواعامل نظریہ انسانی علم یا نفس دا اک نتیجہ اے، جیہڑا کہ مادی حس دی بس اک شاخ اے۔

5 23-12:481

علم دا منع کیتا ہوئیآ پھل، جیدے خلاف حکمت انسان نوں خبردار کردی اے، غلطی دی گواہی اے، جیہڑی موت دے سہارے اپنا وجود ظاہر کردی اے، تے نیکی تے بدی نوں گھل مل جان دے قابل بناؤندی اے۔ ایس ”نیکی تے بدی دی پچھان والے رکھ“ بارے کلام دی ایہہ اہمیت اے، جیدے بارے ایہہ آکھیا گیا اے، ”جیہیں دن توہیہدے وچوں کھادا تو میریں گا۔“ انسانی مفروضے پہلاں بیماری، پاپ تے موت نوں سمجھدے نیں فیراہیناں بدیاں دی لوڑ نوں

بائبل دا ایہہ سبق پلین فیلڈ کرچن پرچ، آزادولوں تیار ہوئیآ۔ ایہہ کنگ جیمز بائبل دیاں آیتاں تے میسری سیکریٹری دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

ایہناں دی منی ہوئی اصلیت دے پاروں سمجھدے نیں۔ ایہہ انسان دے کیتے ہوئے فیصلے سارے اختلافان نوں بہم پہنچاندے نیں۔

6-30:306 -6

رب دا انسان، جنہوں روحانی طور تے بنایا گیا اے، مادی یا فانی نہیں اے۔

سارے انسانی اختلافان دی ولدیت آدم دا سُنفاں سی، گہری نیندر، جیدے وچ حیاتی تے اوہدی ذہانت دامن پیدا ہوئی یا جیہڑا مادے توں نکلیا تے لنگیا۔ ایہہ مشرکانہ غلطی، یا جنہوں سپ آکھیا جاندا اے ہلے وی سچائی دے خلاف اصرار کردا تے آکھدا اے، ”تسی رب وانگر ہو جاؤ گے“، یعنی میں غلطی نوں سچائی وانگر اصلیت تے ابدی بنادیاواں گا۔

7-26:533 -7

اوہدی غلطی دے بارے جراح کردیاں ہوئے سچائی نے ساریاں توں پہلا عورت نوں اپنی غلطی تسلیم کردیاں ہوئے پایا۔ وہ آکھدی اے، ”سب نے مینوں ورغلا یا تے میں کھادا“، جتھے تیکر حلیم شرمندگی دا تعلق اے، ”نہ انسان تے نہ ای رب میری غلطی دا ذمہ دار اے۔“ اوہ پہلاں ای سمجھ گئی سی پئی جسمانی حس سپ سی۔ ایس لئی انسان دی مادی اصلیت اُتے یقین نوں ساریاں توں پہلاں اوہ ای ترک کرن والی تے روحانی تخلیق نوں سمجھن والی سی۔ اوہنے بعد وچ عورت نوں یسوع دی ماں بنن، قبروں جی اٹھن والے مکتی داتا نوں دیکھن دے قابل بنایا، جیہڑا بوہت جلدی رب دی

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

تخلیق دانا مرن والا انسان بن کے ظاہر ہوون والا سی۔ اوہنے ای عورت نوں ایس کلام دی سچیا نال تشریح کرن دے قابل بنایا، جیہڑی انسان دی روحانی اصلیت نوں ظاہر کردی اے۔

8- 3-28:282

جو کجھ وی انسان دے پاپ یارب دے مخالف یارب دی غیر موجودگی ول اشارہ کردا اے، اوہ آدم دا سُفناں اے، جیہڑا نہ ای سیان اے تے نہ انسان اے، کیوں جے ایہہ پیو دا کلوتا نہیں اے۔ تقلیب دا اصول غلطی وچوں ایہدے مخالف یعنی سچیا نال دا نتیجہ کڈھ دا اے، پر سچیا نال اوہ لو اے جیہڑی غلطی دا خاتمہ کردی اے۔ جدوں انسان روح نوں سمجھناں شروع کردے نیں، تے اوہ ایس یقین نوں چھڈ دیندے نیں پئی رب توں دکھری کوئی سچی وجودیت پائی جاندی اے۔

9- 30-23:151

الہی سیان جنسے انسان نوں بنایا اپنی صورت تے شبیہ نوں قائم رکھدی اے۔ انسانی سیان رب دی مخالف اے تے ایہنوں مک جانا چاہیدا اے جیویں مقدس پولوس واضحہ کردا اے۔ اوہ سب کجھ جو اصل وچ ہے اے اوہ الہی سیان تے اوہدا خیال اے، تے ایس سیان وچ ساری ہستی ہم آہنگ تے ابدی پائی جاندی اے۔ سدھاتے تنگ راستہ ایس حقیقت نوں ویکھنا تے منناں، تے ایس طاقت نوں مننا تے سچیا نال مگر ٹرنا ایں۔

10- 21-6:259 (وچ)

الہی سائنس وچ انسان رب دی اصلی شبیہ اے۔ الہی فطرت نوں مسیح یسوع وچ بوہت چنگے طریقے نال بیان کیتا گیا اے، جسے انساناں اُتے رب دی بوہت مناسب عکاسی ظاہر کیتی تے ماڑی سوچ دے نمونے توں وڈھی معیار زندگی فراہم کیتی، یعنی جیہی سوچ جیہڑی انسان دے ڈگن، بیماری، پاپ کرن تے مرن نوں ظاہر کردی اے۔ سائنسی ہستی تے الہی شفا دی مسیح ورگی سمجھ وچ کامل اصول تے خیال، کامل رب تے کامل انسان، سوچ تے اظہار دی نیوں دے طور تے شامل ہوندے نیں۔

جے انسان کدی کامل سی پر ہن اپنی کاملیت گوا بیٹھا اے تے فیر انسان رب دی شبیہ دا عکس اپنے اندر کدی نہیں رکھدے۔ گواچی ہوئی شبیہ کوئی شبیہ نہیں اے۔ الہی عکس وچ اصلی مشابہت کدی نہیں گواچ سکدی۔ ایہنوں سمجھدیاں ہوئے، یسوع نے آکھیا، ”ایس لئی چاہیدا اے پئی تسی کامل بنو جیویں تہاڈا اسمانی پیو کامل اے۔“

11- 8-3:269

پہلے توں اخیر تیکر سیال تے مادے دی فرضی بقائے باہمی تے چنگیائی تے بدی دی آمیزش سب دے فلسفے دا نتیجہ نیں۔ یسوع دے مظاہر کنک دے داناں وچوں توڑی نوں چھنڈن دے برابر نیں تے ایہہ چنگیائی دی حقیقت تے اتحاد نوں، غیر اصلیت نوں، بدی دے عدم نوں سامنے لیاؤندے نیں۔

12- 8-4:171 (توں چو تھا،)

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

مادیت دے روحانی مخالف دی سیان دے راہیں، ایٹھے تیکر پئی مسیح، سچیا ئی دے راہیں انسان جنت دے بوہیاں نوں  
الہی سائنس دیاں کنجیاں نال دوبارہ کھولے گا جنہاں دے بارے انسان سمجھدا اے پئی اوہ بند ہو گئے نیں، تے اپنے آپ  
نوں بے گناہ، نیک، پاک، تے آزاد دیکھے گا۔

## روزانہ دے فرض

میری بیکرا ایڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“، الہی سچیا ئی، حیاتی تے  
پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار  
نوں ودھاوے، تے اوہناں اُتے حکومت کرے۔

چرچ مینوسٹیل، آرٹیکل VIII، سیکشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔  
سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی،

بائبل دا ایہہ سبق پلین فیلڈ کرچن چرچ، آزاد ولوں تیار ہو یا اے۔ ایہہ کنگ جیمز بائبل دیاں آیتاں تے میری بیکرا ایڈی دی لکھی ہوئی کرچن سائنس دی درسی  
کتاب، ”سائنس تے صحت آیتاں دی کنجی دے نال“، وچوں لیاں ہوئیاں لازمی تفسیراں نال بنیااے۔

خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکناں نوں  
سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین  
توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوسیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے  
رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں  
اوہدا انصاف ہووے گا، اوہ بے قصور یا قصور دار ہووے گا۔

چرچ مینوسیل، آرٹیکل VIII، سیکشن 6۔